

攝十一界者謂七心界及香味觸法界五處者謂香味觸處意處法處三蘊者謂色行識蘊是謂四食自體我物性相

已說自體所以今當說何故名食食是何義答牽有義是食義續有義持有義生有義養有義增有義是食義此四於有能牽乃至能增故名為食問若牽有乃至增有是食義者諸有漏法皆應名食何故但說四耶脅尊者言惟佛世尊究竟了達諸法性相亦知勢用非餘能知若法有食相作用可立食者即便立之無者不立尊者世友作如是言此是世尊有餘之說略說影說有觀待說佛觀化宜而說法故尊者妙音說曰佛知此四牽有續有持有生有養有增有體相勢用強盛隣近故立為食餘法不尔故不說食有餘師言如是四法極能長養諸界趣生老死世間令其流轉故立為食餘則不尔或有說者食有二相一牽引當有令現在前二任持今有令相

續住有餘師說食有三種一者業食二者生食三者長養食業食謂思生食謂識長養食者謂段與觸

十一

說一切有部發智大毗婆沙論卷第一百九 虧九 那庾此下羊主反 欬然勿上詳珊反 譎

矯亂上二字同居反多言也 輕篋下莫結反正作機

阿毗達磨大毗婆沙論卷第一百三十

虧十

五百大阿羅漢等造三藏法師玄奘奉詔譯

大種蘊第五中大造納息第一之四

問如是四食幾牽當有令現在前幾持今有令相續住有作是說一牽當有令現在前謂意思食三持今有令相續住謂餘三食或有

說者二牽當有謂意識二持今有謂餘二食有餘師說三牽當有謂觸意識一持今有所謂段食如是說者四食盡牽當有令現在前盡持今有令相續住

問諸食於有幾未生令生幾生已長養有作是說諸食於有一未生令生謂意識食三生

已長養謂餘三食復有說者二未生令生謂意識二生已長養謂餘二食有餘師說三未生令生謂觸意識一生已長養所謂段食如是說者四食於有皆未生令生生已長養問何食於何法食事偏增若段食養色根大種勝故於色根大種食事偏增觸食養心心

所勝故於心心所食事偏增思食養後有勝故於諸後有食事偏增識食養名色勝故於諸名色食事偏增

問如說牽有義是食義等此言爲是因義是緣義耶設尔何失二俱有過若是因義者外香味觸於內諸處五因皆無云何爲食若是

緣義者除內自性餘法皆是此增上緣何故但說四種爲食有說是因義問若尔外香味觸於內諸處五因皆無云何爲食若外香味觸爲覺發因令內香等得成食事內香味觸於內諸處有因義故說之爲食謂眼惟以觸處爲食耳鼻舌身色聲亦尔香用香處觸處

爲食味以味處觸處爲食觸處惟以觸處爲食心心所法三食爲食此中因義如理應思有說是緣義問若尔除內自性餘法皆是此增上緣何故但說四種爲食若於內諸處增上緣法有親有疎有近有遠有合不合有在此生有在餘生諸親近合在此生者說之爲食疎遠不合在餘生者不說爲食故食惟四此四皆於內十二處能爲食事然有增微如前所說

問何故色處不立爲食有作是說無食相故有說色處取時麁重若於取時細輕者名食要微細轉滋養身故有說色處不至而取食

虧十

二

惟至取非身不合成食事故有說色處至變壞位食事方成謂水所浸爛火所熟變風所動搖然後方成食所作事非色未變得名爲食故色非食香等不尔有餘師言若色是食眼見色時應除飢渴若然施主所費則爲唐捐有餘復言若色是食諸出家者眼見色時

應犯遠離非時食法或有說者若色是食則色界天應受段食取諸色故當知後三所說乖理香觸亦有如斯過故應知前四所說者好問若色非食經云何通如世尊言長者汝所施食色香味具甚爲妙好答色雖非食爲欲發起施主思故佛作是說謂佛讚美所施食時施主便發殊勝思願快哉如來讚受我食我當必獲殊勝福利問若讚色具色非食者亦讚香等俱應非食彼既是食此亦應然答佛於此中不欲簡別是食非食但欲發起施主思願說此契經若此讚說即是食者觸非所讚便應非食

問段食是何義答分段而食故名段食問若尔所飲吮等非段食耶答從多分說是故無過復有說者飲吮等時亦作分段有餘師言從初而說謂初時人受用地味皆作分段而吞噉之因名段食

虧十

三

答集異門說段食鹿細互相觀待而可了知謂水族中小爲大食傳相觀待鹿細得成如底民耆耆羅所食是鹿底民耆耆羅所食爲細底民所食是鹿大魚龜鼈及未羯羅失獸摩羅等所食爲細大魚龜鼈等所食是鹿餘水行虫所食爲細諸陸族中象馬駝等所食是鹿羊鹿猪等所食爲細羊鹿猪等所食是鹿兔猫狸等所食爲細兔猫狸等所食是鹿餘陸行虫所食爲細空行族中諸妙翅鳥所食是鹿鵝鴈孔雀鸚鵡舍利命鳥等所食爲細鵝鴈孔雀等所食是鹿餘空行類所食爲細有作

是說若諸有情以草木等而為食者所食是鹿以餅飯等而為食者所食是細有餘師說以餅飯等而為食者所食是鹿以酥油等而為食者所食是細有餘復說面門吞噉諸食是鹿齋毛孔入諸食為細謂胎藏中諸有情類食從齋入惟諸菩薩食從一切毛孔而入有作是言若食噉已有等流者此食是鹿無等流者此食為細如酥陀味香為食等問觸思識食有鹿細不若有者何故契經惟說段食有鹿細若無者何故段食有鹿細非餘耶答觸思識食亦有鹿細界地相待故謂欲界是鹿色界為細色界是鹿無色界為細初靜慮是鹿第二靜慮為細乃至無所有處是鹿非想非非想處為細問若尔何故契經不說答應說而不說者當知此義有餘有說契經舉初顯後已說段食有鹿細當知餘食亦有鹿細有說段食由四因緣有多少故鹿細可知餘食不尔一追求故二積集故三受

用故四等流故追求故者謂諸有情追求段食有多有少所求多者是鹿所求少者為細積集故者謂諸有情積集段食有多有少所集多者是鹿所集少者是細受用故者謂諸有情受用段食有多有少所受多者是鹿所受少者是細等流故者謂諸有情段食等流四有多有少等流多者所食是鹿等流少者所食是細有說段食觀待諸處可說鹿細餘食不尔謂香味觸觀待色聲可說為細觀待意法可說為鹿觸思識三意法處攝此於諸處惟細非鹿無異觀待不說鹿細問於何界有幾食答欲界具四段食偏增色界有三觸食偏增無色亦三下三無色思食偏增非想非非想處識食偏增有說非想非非想處亦思食增一思能感八十千劫壽量果故問於何趣有幾食答地獄具四識食偏增問地獄之中有何段食答飲鎔銅汁吞熱鐵丸

以爲段食問夫爲食者有所滋益此物入身
燒唇舌噤咽喉背腹從下出已炎赫轉增舉
身焦然云何名食荅雖爲燒惱而有食相初
入身時暫除飢渴故傍生具四隨一偏增種
類處所有差別故鬼趣具四思食偏增曾聞
一時尊者滿願爲乞食故將入布色羯邏伐

底城於城門前忽然見一老餓鬼女問言汝
今何爲住此鬼女反問尊者見我耶尊者荅
如是鬼女便曰我夫入城希此城中有長者
等癰腫潰爛當因擠搦收取膿血還共食之
爲是我今於此住待復問汝夫入來久近鬼
女荅曰飢渴所迷不憶我夫入城久近然惟

傷十

五

記此城邊大河七移城南七移城北于今未
還尊者愍傷悵然捨去如是鬼女飢渴多時
希望所持身相續住故知鬼趣思食偏增人
及欲天皆具四食然彼種類段食偏增色無
色天如界中說
問於傍生有幾食荅外生具四觸食偏增有

說思食增云何知然如集異門說海中有獸
時出海濱於沙潭中產生諸外以沙埋覆還
入海中彼在外諸憶念母故身不爛壞謂憶
念母先孚煖時所有觸故若忘其母身便爛
壞有餘師說若母憶念外中子者外則不壞
若母忘之彼外便壞此不應理所以者何勿

以他食能持自命是故前說於理爲善胎生
具四段食偏增濕生具四觸食偏增化生具
四隨一偏增種類所有差別故

所說食聲有二差別一世俗二勝義世俗者
如世間言有殘食瓶無殘食瓶又如世間說
城邑食所謂此食出吉祥城此食出咀又翅

羅城此食出奢羯羅城此食出寂靜宮如是
等又如讚者說諸食名謂刺雉多食羊地多
食佛所讚食四方食等又如經說順食逆食
言順食者如世尊言苾芻當知一切有食謂
天暴雨其適洪樹諸山谿谷最先盈滿谿谷
滿已小溝澗滿小溝澗滿已大溝澗滿大溝

澗滿已小江河滿小江河滿已大江河滿大江河滿已大海盈滿言逆食者如世尊言苾芻當知一切有食大海有食謂大江河大江河有食謂小江河小江河有食謂大溝澗大溝澗有食謂小溝澗小溝澗有食所謂谿谷谿谷有食謂天暴雨勝義食者謂此四食真

實資益諸有情故

問諸段皆食耶答應作四句有段非食謂以段為緣不能長益諸根大種有食非段謂以觸思識為緣而能長益諸根大種有段亦食謂以段為緣而能長益諸根大種有非段非食謂以觸思識為緣不能長益諸根大種如

虧十

六

段食有四句如是識思觸食各有四句皆應廣說如是差別成十六句問不能長益諸根大種便非食耶答如是所以者何前說長益是食相故問今現見有食已痛逼乃至或令捨於身擔云何長益是食相耶答雖所飲食有損有益但今說食謂益非損益有二時一

初食時二消化時或有消化時損初食時益如食美毒此亦名食或有初食時損消化時益如服苦藥此亦名食由此二種隨於一時作食事故皆得名食故說長益名為食相有說彼類食已初雖不安後變吐時還能為益故先所說食自相成

經說苾芻如是四食能令部多有情安住及能攝益求有有情問此經所說部多求有二種有情云何差別答住本有各部多任中有名求有於六處門求當有故有說聖各部多異任名求有彼類多求當來有故有說無學名部多學名求有彼容希求當來有故問部

多有情亦可攝益求有有情亦可安住如何但說能令部多有情安住及能攝益求有有情答此契經文俱應作二種說而不說者當知此義有餘有說此中欲以種種文種種說莊嚴於義令易解故有說此中欲現二門二略乃至廣說有說本有安住寂經多時聖與

虧十

七

無學求暫安住於此義顯說安住言餘不如
是不說安住

經說苾芻如是四食是眾病本是癰瘡本是
毒箭本是老死因是老死緣問食亦能為安
樂根本如世尊說道依資糧涅槃依道由道
樂故得樂涅槃道之資糧食為上首何故說

是病等本耶答為止有情段食欲故彼由貪
食起諸惡行招感劇苦是故世尊作如是說
設諸段食惟現樂因智者尚應不生耽嗜以
起惡業招當苦故況為現身眾病本等是故
智者不應染著佛為此故說是契經

經說苾芻應觀段食如曠野子肉應觀觸食
如新剥皮牛應觀思食如火坑炭應觀識
食如三百利鋒問云何苾芻應觀段食如曠
野子肉答譬如夫妻惟有一子面兒端正憐
愛情深值國飢荒欲詣他土行至曠野遂絕
喉糧前路尚遙不食數日皆困將死其夫竊
念路遠糧絕命在須臾我等三人理不俱濟

豈得相守俱喪此中今若一人充食則死一
存二猶勝俱亡若以我供慮妻志慙悲恨自
絕不能出難若以妻供恐兒失母亦不存活
便為兩失然所愛子我等所生夫妻若存子
容可得宜捨子命度茲曠野作是念已悲不
自勝妻便性之前問其故夫乃具以所念告

之妻聞哽咽悶絕躄地良久乃蘇號哭呼天
稱冤酷毒夫乃徐喻久而許之於是夫妻抱
子嗚啞失聲悲叫何期苦哉涕咽多時乃盡
子命破析為脯充路資糧每欲食時夫妻相
哭稱言子子兩淚而食食已嗟惋自責自咎
然彼夫妻自初籌議乃至食已隨路行時曾

無歡情惟念愛子如是行者住空閑處終不
放逸正思惟妻生一可愛妙善法子心常念
之初無捨離狀生死境趣涅槃方於長時修
資緣匱乏為持聖道所依苦身捨所專修入
城乞食與不放逸正思惟俱自捨空閑乃至
食已曾無染著歡樂之心惟念所捨專修之

衛十

八

法苾芻如是於段食中應觀如前曠野子肉若於段食已斷徧知者於五欲愛亦斷徧知同一制伏一對治故若五欲愛已斷徧知則無一結未斷徧知能繫縛彼還生欲界此依離欲愛得不還果順下分結盡密意而說問云何苾芻應觀觸食如新剥皮牛荅假如其牛有過於主欲令苦故生剥去皮其牛亦時以無皮故隨所住止若地若空所有諸虫競來啖食為去虫故措觸蕃籬草木壁等轉增苦痛彼牛亦時寧有少樂觸與未觸皆受大苦如是諸有寧有少樂生與未生無不皆苦苾芻如是應觀觸食猶如所說新剥皮牛若於觸食已斷徧知者便於三受亦斷徧知諸受以觸為緣生故如經言觸緣受若於三受已斷徧知則所作已辦故應思擇求斷觸食此依越有頂得阿羅漢果一切結盡密意而說云何苾芻應觀思食如火坑炎炎荅如近城色有大火坑無燄無煙炎炭盈滿有不思稚

非駭智人見已念言此大火坑炎炎盈滿我若墮者必死無疑作是念已便起思願求欲遠之即便捨去諸有癡幼頑無智人見已念言此坑之中紅赫可愛便即投趣受苦命終如彼智者見大火坑怖而遠避如是諸聖於後有思深生厭捨如無智者投大火坑受苦

衛十

九

喪命如是異生起後有思受無邊苦失於慧命苾芻如是應觀思食如上所說炎炎火坑若於思食已斷徧知者便於三愛亦斷徧知以彼三愛是起因故如契經說業為因故生愛為因故起若於三愛已斷徧知則所作已辦故應思擇求斷思食此亦依越有頂得阿

羅漢果一切結盡密意而說

問云何苾芻應觀識食如三百利鉾荅假如有人於日初分被百鉾積日中分時亦百鉾積於日後分亦百鉾積如是日日受三百鉾乃至盡壽其人亦時舉體皆瘡無少兒全如芥子許如是行者於日日中恒為三百異境

所引如利鈍心於所專修而為侵害乃至盡壽令所修習多諸瘡痍苾芻如是應觀識食如上所說三百利鈍若於識食已斷徧知者則於名色亦斷徧知以識是彼名色緣故如契經說識緣名色若於名色已斷徧知則所作已辦故應思擇求斷識食此依越有頂得

阿羅漢果一切結盡密意而說

問餘食亦如三百鉢不若亦如三百鉢者何故但說觀識食耶若不如三百鉢者何故惟識食如三百鉢非餘食耶答餘食亦應如三百鉢如以此觀識食亦應以此觀餘三食而契經但說觀識食者當知此是有餘之說有

說此經示寂後邊顯前所說諸食亦亦有餘師言心性剛強寂難調伏佛為呵責以三百鉢而為譬喻餘食自以餘門說喻有說此經隨顯勝說是故無過前三喻中理有通者皆以此釋如契經說此吠羅摩婆羅門以如是諸妙飲

食布施摩訶婆羅婆羅門眾有以飲食布施贍部林中異生此獲施福果大於彼問此契經中為說何等名為贍部林中異生有作是說贍部洲中諸有腹者皆此所說有說諸有外仙已離欲染是此所說有言此是近佛菩薩理不應然諸有布施近佛菩薩所獲施福

虧十

十

勝施俱抵阿羅漢眾如是說者此說已得順決擇分善根異生其德勝彼婆羅門故此經復言若以飲食布施贍部林中異生有以飲食施一預流此獲施福果大於彼由此已斷諸惡見故三結盡故離見所斷惡趣因故作有邊際故得預流果故此經復言若以飲食施百預流有以飲食施一一來此獲施福果大於彼離修所斷惡趣因故薄貪瞋癡故得一來果故此經復言若以飲食施百一來有以飲食施一不還此獲施福果大於彼由此已斷順下分結故越欲界生故得不還果故此經復言若以飲食施百不還有以飲食施

一阿羅漢此獲施福果大於彼此由已斷一切結故越有頂生故得阿羅漢果故此經復言若以飲食施百阿羅漢有以飲食施一獨覺此獲施福果大於彼自能覺故此經復言若以飲食施百獨覺有以飲食施一如來此獲施福果大於彼自能徧覺故亦能覺他故

此經復言若以飲食奉施如來有造僧伽藍施四方僧眾此獲施福果大於彼以僧伽藍無障礙故問施佛功德勝於施僧此中施福皆先舉劣後舉其勝何故此中先佛後僧若即以是故先佛後僧所以者何若聲聞僧便不攝佛若四方僧則亦攝佛是福田僧苾芻

僧故若惟施佛但佛應受僧眾不受故福為劣若施僧眾僧眾與佛俱應納受故福為勝無障礙故獲福無限故雖所舉先佛後僧而猶得名先劣後勝
問所得果勝亦由勝思何故世尊惟讚田勝答世尊所化有二差別一信慧具足二有信

無慧於信慧具佛不讚田彼自能知田非田故於信無慧佛則讚田彼不能知田非田故然彼施果或有欲令思勝故勝或有欲令田勝故勝而實果勝俱由二種由此得成四句差別謂有由田不由思勝或有由思不由田勝或有俱由二種故勝或由二種俱劣故劣

問佛施舍利子舍利子施佛此二施福何者為多答諸有欲令果由思勝者彼說佛施福多以佛施思於現前位舍利子等尚不能知何況能及諸有欲令果由田勝者彼說舍利子施福多以佛福田三界中取勝故

問預流果向為可施不若可施者前經何故不說若不可施餘經所說復云何通如說四向與四果 是真福田僧 具戒慧等持施者獲大果

有說可施謂衣服等非諸飲食問若可施者前經何故不說答前所引經說施飲食非衣服等是故不說有說此向亦可施食但有攝

